



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Capvt XII. S. Medardi monasterium, ad muros vrbis Suessionensis, in  
Gallia.

**urn:nbn:de:hbz:466:1-11261**

Rege Austrasiæ, qui fuit filius Clodonæi I. Christiani Gallorum Regis. Primus Abbas fuit *B. Leobardus* S. Benedicti Abbatis in Casinensi monasterio discipulus. Secundus fuit *Maurus*, S. Pirminij Meldensis Episcopi discipulus, à quo cœnobium istud, Mauri monasterium est appellatum. Ita Bruschius, lib. cit.

## CAPVT XII.

*S. Medardi monasterium, ad muros vrbs Sueffionensis, in Gallia.*

**V**isitum in prospectu vrbs Sueffionensis *B. Medardi* monasterium, cuius vt celebritas & præstantia aliqua ex parte noscatur, placuit nonnulla cum ex Archiuis accepta, tum ex antiquitatis vestigiis ac rudibus obseruata conuertere. Primum vt ad ipsius templi à *Carolo Caluo* iam eum extructi partem summè orientalem veniamus, duorum illic Regem Franciæ, *Clotharij* videlicet ac *Sigeberti* filij eius monumenta, loco veluti subterraneo, visuntur. Non procul inde cernitur *B. Medardi* lapideum \* sepulcrum, duabus columnis pariter lapideis suffultum. Septemtrionali parte Ecclesiæ, habetur lapis durissimus, humani capitis mensuram quater excedens, quem ex loco *Dominicæ*

\* *Meminit illius Greg. Turonens. lib. de glor. Confes. §. 95.*

Aicen-

Ascensionis in Galliam allatum tradunt monachi, monstrantque Domini nostri impressum lapidi vestigium. Ab eo olim cancellis ligneis, reuerentiae ergo, populus arcebatur, in eiusque honorem piam societatem multi inierant. A meridionali parte extant claustrum, dormitorium, refectorium & hospitale à *Carolo Magno* sumptuosissime ac vere regio opere destructa: quibus itidem ad Aultrum versus nuper occurrebat haud ignobile aliud templum *S. Sophia* cum alio paruo sacello, inter omnia totius Galliae loca sacra, longè antiquissimo: cui sua vel antiquitas vel paruitas ad hoc profuit ne dirueretur, sicut proximum *S. Sophiae* euersum est (heu dolor,) ad colligendos lapides in reparationem murorum vrbis. Quo etiam tempore non minus seuitum est in monasterij ambitum; qui ex lapidibus quadris & sectis constructis, octo circiter pedum lntitudine tenebatur. Dedito ambitu in quodam privilegio *Odonis Regis* anno 893. apud *Compendium palatij* concessio, anno 5 regni eius scriptum legitur in hæc verba: *Ad thesaurum Sanctorum reparandum, ad sustentandam totius fabricam templi; & ad reintegrandum decorem domus Dei, quæ nuper à Marcomannis igne combusta esse videtur, munitionem quoque muratam & muro cinctam in circuitu ipsius monasterij fieri decreuimus propter insurgentium Danorum insolentiam & memoriam Caroli Imp. qui ean-*

deni

dem munitionem iam diu fecerat, ad petitionem Berthæ Sororis Ludouici Imp. in memoriam B. memoriæ Gregorij summi Pontificis, &cæt. In istius dirutæ nunc murorum partis angulo, urbem respiciente, fuit turris illa, in qua olim detentus fuit Ludouicus pius Imperator. Postremò constat ibi fuisse Regiam Clodonei primi Regis Franciæ Christiani, & apparent hodieque triplicium fossatorum amplissima vestigia.

Haud abs re fuerit his subnectere priuilegium Ioannis Papæ, huic monasterio circa annum 562. concessum, cuius & Baronius meminit ad Martyrologium Romanum S. Iuuij & Choppinus lib. 1. Monasticon. tit. 1.

Totius orbis Principibus machinam mundi sub Christo Principe regentibus, presentibus atq; futuris, Ioannes meritorum qualitate infimus, sed Dei gratia S. Romanae sedi Prælati. Summum esse, quos diuinæ fidei & apostolicæ maiestatis nobilitat religio, constat, vt fructu operum & effecta rerum certa demonstrent obsequia. Ob hoc diuina inspirante gratia, & præcellentissimi Clotharij suadente clementia, monasterio B. Mariae, & B. Petri, quod est extra Suessoram ciuitatem situm, vbi Dominus Medardus requiescere & Daniel Abbas præesse videtur, hoc priuilegium omnimodis indulgemus, vt terras quas filius noster Clotharius ob salutem animæ suæ dedit, Croniacum scilicet, Attipiacum, & Alunit, pos-

sessio-

sessionem suam in pago Metensi cum Salina, quæ  
vulgò dicitur patella salis, cum omni integritate  
teneant atque possideant cum terris, domibus, æ-  
dificijs, mancipijs, siluis, pratis, pascuis, salinis,  
Ecclesijs & altaribus, habeant atque possideant, &  
teneant. Hoc quoque auctoritate S. Trinitatis,  
& inseparabilis vnitatis, vitæ B. Petri Apostoli,  
coram Rege Clotario, & omnibus plebeijs Fran-  
corum, scilicet Archiepiscoporum, Episcoporum,  
Iudicum, & omni populo Christianorum, Roma-  
norum Principum decernimus, vt nullus Regum,  
Antistitum, Iudicum, terras S. Mariae, & Domini  
Medardi, siue Ecclesias vel altaria, thelonea, de-  
cimas, nonas, banna vel freda exigat, &c. Da-  
tum in Ecclesia S. Siluestri quinto Idus Martij  
anno Dominicæ Incarnationis D. LXII. Edict. X.

Insignem profectò antiquitatem præfert  
hoc priuilegium, sed dubito an numerus an-  
norum Christi non sit adiectus per recenti-  
orem manum.

## CAPVT. XIII.

*Aganense & Luxoniense monasteria.*

**A**ganense S. Mauritij monasterium Ab-  
batiale, apud Sabados ex Chablais, fun-  
dauit B. Sigismundus Burgundiæ Rex circa  
annum 600. ibidem sepultum. Est id situm ad  
radices montis D. Bernardi.

Est autem S. Mauritius hodie Patronus ac  
tutor

tutor